

Լ Ր Ա Ց Ո Ւ

ԳԻՏԱԿԱՆ ՍԵՍԻԱ, ՆՎԻՐՎԱԾ ԱՎԵՏԻՔ ԻՍԱՀԱԿՅԱՆԻ ԾՆՆԴՅԱՆ 80-ԱՄՅԱԿԻՆ

Հայկական ՍՍՌ Գիտությունների ակադեմիայի նիստերի դահլիճում ս. թ. հոկտեմբերի 27-ին և 28-ին աեղի ունեցավ Ավետիք Իսահակյանի ծննդյան 80-ամյակին նվիրված դիտական սեսիան:

Սեսիան բաց անելով, Հայկական ՍՍՌ Գիտությունների ակադեմիայի պրեզիդենտ Վ. Համբարձումյանը ասաց.

Հարգելի րնկերներ.

Հայ ժողովուրդը այս օրերին խորին հարգանքով, սիրով ու երախտագիտությամբ է մեծարում իր հարադատ որդուն՝ մեր դասական դրականության ականավոր ներկայացուցիչ, մեծ բանաստեղծ Ավետիք Իսահակյանին՝ նրա ծննդյան 80-ամյակի առթիվ: Մենք կաթող ենք զոհունակությամբ նշել, որ մեր ժողովրդի այս մեծ ուրախությանը ի սրան մասնակից են նաև Սովետական Միության եղբայրական բոլոր ժողովուրդները:

Իննսունական թվականներին գրական ասպարեզ իջնելով՝ իր սրտահույզ «Երգեր ու վերքեր»-ով, Իսահակյանը ջերմ ընդունելությամբ զտավ ժողովրդի կողմից և դարձավ մեր ամենասիրված բանաստեղծներից մեկը:

Մոտ 60 տարի շարունակ Իսահակյանի քնարը ստեղծագործում է, նորանոր գրական զոհարներով հարստացնելով մայրենի գրականությունը: Իսահակյանի երգերը դարձել են ժողովրդի ամենալայն խավերի սեփականությունը: Մեծ բանաստեղծի հմայքը նրա ստեղծագործության խորր ժողովրդայնությունն է: Իսահակյանի սքանչելի երկերը, լիրիկական բանաստեղծություններն ու լեզենդները, բալլադներն ու առակները, դրույթներն ու պատմվածքները հարադատ ու սիրելի են ժողովրդին, որովհետև արաահայտում են նրա նվիրական հույզերն ու տենչերը:

Ցարիզմի և կապիտալիզմի տիրապետության դաժան ժամանակաշրջանում մեծ բանաստեղծը արտահայտել է ժողովրդի տրտունջն ու բողոքը ազգային և սոցիալական ճնշումների դեմ և ժողովրդի հավատը երջանիկ ապագայի նկատմամբ: Իսահակյանի լավագույն ստեղծագործությունները տողորված են հայրենասիրության և աղատասիրության, ժողովուրդների եղբայրության և հումանիզմի վսեմ գաղափարներով, ազատ ու երջանիկ կյանքի բուռն կարոտով ու տենչով: Նա ձգտել է ու երագել ներդաշնակ մի հանրակարգ, ուր ժողովուրդն աղատ լինի ամեն տեսակի ճնշումներից:

Տասնյակ տարիներով փայփայած իր վսեմ իդեալների իրականացումը Իսահակյանը տեսավ հոկտեմբերյան սոցիալիստական Մեծ ուղյուղիայի հաղթանակով նվաճված սովետական կարգերում: Երկար անջատումից հետո վերադառնալով հայրենիք, մեծ բանաստեղծը իր բոլոր ուժերը նվիրեց իր հարադատ և վերածնված ժողովրդի գրականության ու կուլտուրայի զարգացմանը: Նա դարձավ մեր երկրի հասարակական-քաղաքական կյանքի ակտիվ մասնակիցը:

Հայրենական Մեծ պատերազմի ժամանակ Իսահակյանն իր ոգեշունչ բանաստեղծություններով և մարտական հոգվածներով, սովետական առաջավոր գրողների հետ միասին, ժողովրդին և ռազմաճակատի մարտիկներին խանդավառում էր հայրենասիրությամբ և հաղթանակի հավատով: Հետպատերազմյան տարիներին Իսահակյանը նույն եռանդով նվիրվեց խաղաղության պաշտպանության գործին, լինելով Սովետական Միության խաղաղության պաշտպանության կոմիտեի անդամ:

1943 թվականին, երբ Սովետական կառավարության որոշմամբ հիմնադրվեց Հայկական Սովետական Սոցիալիստական Ռեսպուբլիկայի Գիտությունների ակադեմիան, Ավետիք Իսահակյանը միաձայն ընտրվեց մեր Ակադեմիայի իսկական անդամ: Մեր Ակա-

ղեմիայի գոյութեան ամրոցը ընթացքում Իսահակյանը իր իմաստուն խորհուրդներով ու ցուցումներով, իր հեղինակավոր ձայնով մասնակցել ու աջակցել է Ակադեմիայի աշխատանքներին, նրա առջև կանգնած կարևորագույն հարցերի լուծմանը:

Իսահակյանը մեր ժողովրդի հպարտութիւնն է, մի անուն, որ այսօր համաշխարհային ճանաչում է ստացել: Մեծ բանաստեղծի լավագույն ստեղծագործութիւնները թարգմանված են Սովետական Միութեան, ժողովրդական դեմոկրատիայի երկրների և աշխարհի այլ լեզուներով: Իսահակյանի միջոցով աշխարհի ժողովուրդները ծանոթանում են մեր բազմադարյան և հարուստ գրականութեանը:

Մեր գրականութեան ալեգորդ նահապետը, մեր սիրելի վարպետը երջանիկ է այսօր, որ շրջապատված է իր երախտադետ ժողովրդի սիրով ու հարգանքով: Երջանիկ ենք և մենք, որ նրան տեսնում ենք մեր մեջ, լսում ենք նրա իմաստուն խոսքը և աշխատում ենք նրանով ոգեշնչված:

Թող երկար ու երկար ապրի մեր սիրելի վարպետը ի փառս մեր ժողովրդի, մեր մայրենի գրականութեան:

Ընկ, Համբարձումյանի բացման խոռոչից հետո սեփական կարգացման հետևյալ զեկուցումները. «Ավետիք Իսահակյանի ստեղծագործութեան ժողովրդայնութիւնը» (զեկուցող Հայկական ՍՍԻ ԳԱ իսկական անդամ Դ. Դեմիրճյան): «Ավետիք Իսահակյանը և հայ կլասիկ գրականութեան տրագիգիանները» (զեկուցող Ֆիլոլոգ, գիտութիւնների թեկնածու Ա. Ինճիկյան): «Ավետիք Իսահակյանի լեզվի և ոճի առանձնահատկութիւնները» (զեկուցող Ֆիլոլոգ, գիտութիւնների թեկնածու Վ. Առաքելյան): «Ավետիք Իսահակյանը և ժողովրդական բանահյուսութիւնը» (զեկուցող Ֆիլոլոգ, գիտութիւնների թեկնածու Ա. Լանալանյան):

Զեկուցումներից մի բանիսը տպագրվում են «Տեղեկագրում»: